

南豐先生元豐類藁

十



元豐類稿卷之四十七

碑

太子賓客致仕陳公神道碑銘

太子賓客致仕陳公既葬其孤賻與其宗親屬人謀曰公歿所以原大追功既有大史之狀幽宅之銘維墓道有碑可以明者公之休德遺澤章跡萬世以假寵陳氏之子孫於無窮而其辭未立於誼謂何廼相與來請於余余辭不能既不獲廼論具公胄出位存行治之實以為碑辭而屬之以銘其辭曰惟陳氏其先虞舜之後封於陳春秋時陳滅入楚其子孫以國為氏世為顯姓見於記錄至公之先始家南康軍之星子至公又家江州

之德化曰知

公曾相考也曰旁瑒公祖考也曰

累贈礼部尚書俊公考也公諱吳字公順祥符八年進士及第歷常州團練推官盜有棄財走者公以謂不應死通判不肯用公言是時公起家少年及遇事堅爭不可奪其守老吏皆驚盜卒不得死以尚書憂去位服除補武安軍節度推官侍御史李偕守武安事倚公央州賴以治轉運使陳從易以公為材獄有久不決者皆屬公治之凡治二十四獄人皆服其平以皇妣嘉興郡太君馮氏憂去位服除補岳州軍事判官舉監潭州茶米倉天聖初潭州茶課視景德虧十之六公謹於繩吏而果於去民之所素不便者茶稅舊課歲增九百萬斤用

薦者改祕書省者作佐郎知言州廬陵縣廬陵人喜聞
訟械繫常充縣庭公除其害政者人心大變月餘囹圄
空虛而人自得田里之間樞密副使姜遵嘗為廬陵民
便之至是有前姜後陳之謠移知資州資陽縣遷祕書
丞用薦者通判戎州州將武人以州仕屬公民夷悅附
政以大和遷太常博士尚書屯田員外郎通判潭州溪
洞諸蠻犯約知州事劉夔劉沆繼出行邊公實提州任
內脩民事外奉師費凡輸粟帛金錢四十有八萬兵械
稱之用足於軍而賦役不加於民沆及荆南士居白岳
州滕宗亮與湖南北部使九十有二人請即用公為轉
運判官會轉運判官廢故不行遷都官員外郎知撫州

是信行部中奸疆擾服貧細得其職遷職方員外郎明
堂恩遷屯田郎中賜服金紫去知安州以寬靜順其俗
教民通溝洫趨農桑遷都官郎中知蜀州大興學校遷
職方郎中太常少卿知蘄州居半歲以目疾請老遷光
祿卿致仕始家江州英宗即位遷秘書監今上即位遷
太子賓客公少長閭巷能自感發疆志力學為進士一
出遂收其科為吏明悟倣捷見義敢為不少屈以求合
蓋從事於州郡久之不進而其志彌厲其治於惡人無
所貸至其過失則無所不容而於善人惟恐失其所也
遇人豁然不為畦畛於其所長未嘗不薦藉成就之於
其急難與貧不能自存者未嘗不賑而助之公既好享

至於聲音星曆之伎無所不知及退而自休日有脫輶
長書省廼賓宮朝寵則日躋身焉逍遙世猥而爭公裕
有之世惴而持公恬處之公有賓事鼓瑟吹竽公退燕
私左詩右書年則大耄氣益坐人笑談待終曾不頻呻
有歸墓隧豐碑螭首勤辭告休尚慰爾後

祕書少監贈吏部尚書陳公神道碑銘

祥符九年九月甲辰祕書少監知廣州陳公卒于位以
聞天子官其二子以慰寵其家天聖中今天子修先帝
功臣記之于史而太史考公之謀議勞烈於朝訪公之
世族州里官次行治之本末於家以書于冊已又有詔
次其功著之令典布之天下曰維所以寵嘉陳氏之子

孫者其世世無絕嘉祐三年公子三人謀曰吾先人之
所既立記德之史藏于有司喪公之詔傳于天下維墓
有碑後嗣所以載吾先人之休聲美實而久廢不立懼
無以飭其子孫于千萬世以為已羞則相與來乞銘文
以刻於石其叙曰維陳氏其先遠出於舜至周武王之
時陳為舜後媯滿之封國至春秋之際楚滅陳而子孫
之散亡者因為氏姓其後居長葛者出於漢太丘令寔
之後唐之晚長葛之陳氏徙南劔州之沙縣公諱世卿
字光遠南劔州沙縣人也曾太父景大父昂父文餘公
貴贈其父尚書駕部員外郎公為兒時書木葉為詩其
父見之大驚遂始學書以篤志聞於人中雍熙二年進

士為衡州軍事推官改靜安軍節度推官王小波李順盜蜀州縣多不能保東園靜安公應變為箭筈兵械城守之具百餘萬約其屬分城守之園既久不解分城者疑懼意懈出語動公公以義譙數勉之而間謂州長張雍曰此屬留之則潰人心縱之便求外兵則兩全雍聽其言盜數萬人圍靜安八十日公奮勵距敵射其裨將一人應手死又射至數百人無不輒死盜以故不敢迫而外兵來救乃卒解靜安之圍事聞即其軍以公為掌書記父喪不許去官自宋興小吏勢盜起往往轉掠數百千里吏輒棄城走及公之保靜安則若吏力皆可以有為者然公之於此時蓋亦以無為有以少勝衆此材

智烈丈夫之所為小拘常見之人亦安能責其此出哉
公在靜安七年還為秘書郎真宗即位召公欲以補御
史而張鑑守廣州乞公自助乃以公與鑑累遷尚書度
支員外郎賜緋衣銀魚歷河南府新安縣通判廣州知
建州改福建路轉運使又改兩浙入判三司勾院復為
荆湖北路轉運使澧州諸蠻奪澧旁地耕守數緩兵入
盜積十餘歲莫能却公至諸蠻畏悅皆還就溪洞而歸
故所掠地與人公因築武陵澧川三塞以備蠻詔書嘉
獎公去久之而後吏不能善蠻蠻亦輒復入盜天子問
公前所以服蠻者何為而今將治之者何出公具對而
刊其藁世故莫知其何術也公在荆湖歲餘擢為秘書

少監知廣州賜金紫服至則罷計口鬻鹽人以休息海
外國來獻多人徒以食縣官而往往皆射利於中國也
天子問公所以綱理之者公以謂以國之小大裁其使
員授官之多少通其公獻而征其私貨可以息弊止煩
後之居南海四年未及召而得疾享年六十有四某年
某月某甲子葬于沙縣之龍山鄉崇仁里母夫人某氏
某縣君繼母夫人蕭氏某縣君夫人羅氏某縣君子五
人曰儼尚書比部員外郎曰侃福州古田縣尉曰佩衛
尉寺丞曰偉同學究出身曰儼殿中丞佩偉皆早世而
儼儼之進于朝累贈公吏部尚書公事繼母行純薦其
進饌飲藥物必經手其執喪人恐其不勝哀也遺戒諸

子皆人之大節好振人之窮樂獎人之善所薦士後多至大官宰相張士遜公所薦也公常以謂我之所以自著者在行事故不必見於文章所以事上者不求人知故其於謀議尤多而人罕得而知也噫其可謂自信特立也已其銘曰

允淑陳公生知書學人就其華我居以樸盜驚西土公在圍城隣有破亡公守不傾性眎蠻荆其得孰窺蠻耒受職若與為期翼翼蜀州士全純白茫茫楚野人復耕織原念累功進位南伯內治何為與人休息外治何為賓棄荒國允淑陳公文武之特聲載于人實告于冊又慰爾後刻銘墓石

刑部郎中張府君神道碑

府君諱保雍字粹之景德二年舉進士中甲科授山陰主簿有能名提點刑獄皇甫選上其狀拜大理評事監尉氏酒踰年知三泉用故事得假五品服專達既至嘆曰吾常所欲為此幾可試也縣以治聞就改寺丞久之通判齊州李丞相迪鎮永興板府君自贊遂通判其軍府李公去寇萊公代之詔易府君鳳翔萊公雅知其賢因奏留之事有利害未嘗不爭听乃止璽書獎之迁殿中丞錢思公惟演李三司士衡薦任佐益州避親嫌不拜授鄜州迁大常博士尋換晉州今上即位以屯田員外郎緋衣銀魚知漢州夜中四卒叩府告禁兵兩營變

佐吏駭輦入府府君徐出獨撼四卒掠之挺作誣狀徇
兩營以安之至明鞠得乃賞四卒與伍中謀幸受已甲
捕兩營曰自以為叛遂棄之市及謀者九人因奏言蜀
戍兵久合往往叛可因使臣去來番代之行之至今擢
拜都官還朝莊獻太后面嘉之聯拜職方度支判官契
丹國信使荆湖北路轉運章服金紫有馮異以化黃金
干太后得奉職監鄂州稅知州歐陽穎事之曲恭武昌
置場中市民炭常時吏先署入抄文為足而實尚留民
家不入比漕發乃直取載之以為故穎暴又欲資異謀
使按之坐盜死者十八人當論府君自荆南乘單舡六
日夜入鄂直之答守吏數人而已同時漢陽俚民販茶

得知軍駱與京誣民忤巡檢應首死者二十人隨者百
餘人與京暴甚類人莫敢相由直府君遂亂江往慮之
二十人者得不死隨者皆貫漢陽距江為城潦至隄輒
毀歲調薪石發民完之工四千人兩縣以病府君身省
護作者工費半隄完至今遷祠部郎中滿歲更兩浙轉
運使加刑部行部至婺刺得其守罪留治之未既疾作
遂不起明道二年九月五日也享年五十九歲以景祐
二年八月壬申葬汝南宣猷鄉之先塋張氏世為顯姓
府君先居齊之禹城及考諱制官至庫部員外郎贈吏
部侍郎過蔡州樂之家焉府君娶彭城劉氏樞密直學
士師道之姪封本縣君子之察彥博仕有治聲最少彥

輔未仕府君之喪朝廷以察為鄂州推官府君甚愛考
城劉侍制劉亦厚結之子娶府君女慶曆三年彥博為
撫州司法為予言府君平生端重不怙燕間未嘗見其
懈容為治威嚴不撓細事為漢州民趙昌以畫名府君
迄代不問至劔門昌追獻畫二幅曰前太守舉從昌取
又應朝貴人求汲汲昌以技嘗自苦德公不擾敢獻府
君彊受之而歸之直其使吳越吳越匠巧天下未嘗致
一器一物歷問其治已雖小者如此立稱其官次施設
狀如前而曰今史館脩撰王質銘其德於壙中校書郎
王安石又序其詩惟所必顯章於墓道之左者其辭不
立懼無以畀四方人視听請于文張之於碑予不護銘曰

為天下之道本諸得人公卿內應諸侯部使者外治其
體兩重也易知矣今常患材難不足布此位故不能推
其功惠及民豈世所謂賢天固嗇邪抑其求弗切耶蓋
宜放而登當取而遺其施為繆然也如府君鍾材甚美
而進也得其時自守及使緒行既卓矣使極其設修可
勝言耶而止於斯其可嗟也已方今敝郡彫部相望如
府君其又可思也已則九蔡里之堇齏惡得不嚴其墓
耶

故朝散大夫尚書刑部郎中充天章閣待制兼侍
讀上輕車都尉賜紫金魚袋孫公行狀

曾祖恕皇任傳州堂邑縣主簿贈太子中舍

祖貴皇任尚書庫部郎中

父從華皇贈尚書職方員外郎

公諱甫字之翰天聖五年同學究出身為蔡州汝陽縣主簿八年進士及第為華州觀察推官華州倉粟惡吏當負錢數百萬轉運使李紱以吏屬公公令取斗粟春之可棄者十緡居一二又試之亦然吏遂得弛負錢數十萬而已紱以此多公薦之遷大理寺丞知絳州翼城縣樞密直學士杜公衍奏知永興軍司錄遷殿中丞樞密直學士張公逸奏監益州交子務遷太常博士慶曆二年杜公為樞密副使又薦之得試為秘閣校理三年改右正言知諫院因災異言應天所以譴告之意者在